

Peka kebersihan rumah

Sinar Harian
8 Julai 2013

Usaha pelajar Unisza pupuk kesedaran penduduk untuk tangani wabak Aedes

SEBERANG TAKIR — Universiti Sultan Zainal Abidin (Unisza) melalui Fakulti Perubatan dan Sains Kesihatan tampil menganjurkan Program Kesihatan Komuniti dan Gotong-royong Perdana di Seberang Takir; sebagai usaha memberi kesedaran kepada masyarakat mengenai bahaya denggi.

Program yang dianjurkan pelajar tahun tiga itu memilih tiga kawasan iaitu Kampung Teluk Ketapang, Kampung Telaga Daing dan Seberang Takir berikutnya ancaman demam denggi yang semakin membimbangkan sejak akhir-akhir ini.

Meskipun belum ada sebarang rekod berhubung penyakit berkenaan di kawasan terbatik setakat ini, namun langkah proaktif dilaksanakan itu juga dilihat dapat memastikan masyarakat lebih peka dengan kebersihan terutamanya di sekeliling rumah agar tidak menjadi tempat pembiakan nyamuk yang boleh membawa maut.

Menurut pengarah program, Nur Syazwani Kamaruzzaman, program disertai 53 pelajar perubatan itu bertujuan memupuk kesedaran dalam kalangan masyarakat melalui pelbagai aktiviti.

"Antara aktiviti yang kita adakan ialah mengedarkan plastik sampah ke setiap rumah untuk diisi dengan barang terbuang, pertandingan mewarna, pemeriksaan kesihatan secara percuma dan pelbagai acara lagi."

"La medan terbaik buat kami untuk mengaplikasikan ilmu dipelajari di dalam kelas kepada latihan yang sebenarnya, kerana ia syarat wajib dalam pembelajaran," katanya.

Nur Syazwani berkata, kebanyakannya masyarakat masih lagi memandang

remeh aspek kebersihan di sekeliling rumah yang boleh menyumbang kepada penularan wabak denggi.

"Sebab itu jugalah kita mengambil inisiatif mengedarkan plastik sampah dan dalam tempoh beberapa jam kami akan kembali ke rumah berkenaan untuk mengambil barang yang terkumpul."

"Justeru, kita berharap aktiviti ini akan terus menjadi amalan sebagai usaha meredah gejala denggi," katanya.

Ganding bahu tunai tanggungjawab

SEMENTARA, Timbalan Dekan Fakulti Perubatan dan Sains Kesihatan Unisza, Dr Salwani Ismail berkata, masyarakat perlu diberi pendedahan lebih meluas mengenai aktiviti kitar semula yang masih dipandang remeh.

"Masyarakat seharusnya menyedari kaedah kitar semula adalah salah satu cara menangani ancaman demam denggi, selain dapat menjana pendapatan melalui kutipan barang terpakai.



NUR SYAZWANI



Aktiviti mewarna turut diadakan untuk peserta cilik.



Plastik sampah diedar ke rumah penduduk.



Pelajar Unisza melakukan pemeriksaan kesihatan kepada pengunjung pada



Md Azmi (kanan) memberi penerangan kepada pelajar dan peserta sebelum

"Malah, melalui aktiviti ini juga secara tidak langsung membantu mengurangkan tenaga kerja untuk mengutip barang terpakai, sekiranya tugas dan tanggungjawab itu turut sama dipikul masyarakat secara keseluruhannya," katanya pada majlis pengutipan program berkenaan di Dataran Permata, di sini, semalam.

Dalam pada itu, Pengurusan Perkhidmatan Klinik Seberang Takir, Md Azmi Abd Aziz berkata, pihaknya menyambut baik usaha dilakukan oleh Unisza bagi memberi kesedaran dan kefahaman kepada masyarakat.

"Sebelum ini aktiviti gotong-royong yang sering dilaksanakan termasuk membanteras nyamuk Aedes, manakala kawasan Seberang Teluk pernah direkodkan antara lokasi bahaya."

"Usaha untuk menangani masalah ini mungkin sukar dilaksanakan kerana tidak mendapat kerjasama dan penglibatan masyarakat," katanya.

Sementara itu, turut hadir menjayakan program berkenaan, Adi Seberang Takir yang juga Pengurusan Wilayah Sains, Teknologi, Alat Sekitar, Tenaga, Teknologi Hijau dan Sumber Air negeri, Datuk Ahmad Ali J. Dahman.